



REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Punëhap/Prodato Received/Delivered	23.06.2021	1	viti god year
Organ /Njësia Organ /Jednica Org /Unit	Nr Prot Br Prot Prot No	Shtypja Printed Appendix	Sasia Kolicina Quantity
SPIONSHOK	3289/2021		113



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.407/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Jeton Koca-kryetar, Eshref Shabani dhe Malsore Gashi-Bajraktari-anëtarë, me Ilire Mehmeti-Shaqiri-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.407/2021 të datës 11.05.2021 të parashtruar nga ankuesit

dhe të cilët me autorizim i përfaqëson Avokati me adresë Rr. "Mramori", Hajvali/Prishtinë, kundër organit të punësimit/Komunës së Shtimes, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 23.06.2021, mori këtë:

V E N D I M

Refuzohet si e pa bazuar ankesa me numër A.nr.407/2021 e datës 11.05.2021 e parashtruar nga grup ankuesish të cilët me autorizim i përfaqëson Avokati

A r s y e t i m

Ankuesit dhe që të gjithë të punësuar në Komunën e Shtimes, me datë 11.05.2021 përmes përfaqësuesit të autorizuar Avokatit kanë parashtruar ankesë me numër protokolli 2321/2021 të regjistruar me numër A.nr.407/2021 në Këshillin e Pavarur Mbikëqyrës për Shërbimin Civil të Kosovës, me pretendimin ankimor për kompensimin e pagave jubilarë dhe shujtave ditore, për vitin 2015, 2016, 2017 dhe 2018, sipas Kontratës së Përgjithshme Kolektive të Kosovës.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave, me datë 17.05.2021 ka proceduar kërkesën për përgjigje në ankesë të Komuna e Shtimes. Këshilli, me datë 01.06.2021 ka pranuar përgjigjen në ankesë se bashku me shkresat e bashkangjitura të lëndës.

Kolegji për Shqyrtimin dhe Vendosjen e Ankesave, ka administruar këto prova: Ankesën me numër protokollit 2321/2021 të regjistruar me numër A.nr.407/2021 në Këshillin e Pavarur Mbikëqyrës për Shërbimin Civil të Kosovës; Përgjigjen në kërkesë të datës 12.03.2021 me numër 02/1-192; Kërkesën e datës 06.04.2021; Autorizimet e datës 22.03.2021; Pasqyra e llogaris bankare për periudhën kohore 01.12.2018 deri 31.12.2018 për ankuesin A Vërtetimin e datës 22.02.2021 me numër 02/1.Nr:15; Vërtetimin e datës 22.02.2021 me numër 02/1.Nr:14; Form: MAP/AE/02 Ndryshimi dhe plotësimi i aktit të emërimit të datës 27.08.2015 me numër 02/nr.354; Pasqyrën e llogaris bankare për periudhën 01.12.2018 deri 31.12.2018 për ankuesin Vërtetimi i datës 22.02.2021 me numër 02/1.Nr:36; Vërtetimi i datës 22.02.2021 me numër 02/1.Nr:35; Shkresën e Emërimit të datës 20.01.2012 të ankuesit Pasqyrën a llogaris bankare për periudhën kohore 01.12.2018 deri me 31.12.2018 për ankuesen Vërtetimin e datës 01.03.2021 me numër 02/1.Nr.91; Vërtetimin e datës 01.03.2021 me numër 02/1.Nr:90; Aktin e Emërimit të datës 20.07.2017 me numër të protokollit 02/1/287/396 të ankueses Pasqyrën e llogaris bankare për periudhën kohore 01.12.2018 deri 31.12.2018 për ankuesen Vërtetimin e datës 12.03.2021 me numër 02/1.Nr:122; Vërtetimin e datës 12.03.2021 me numër 02/1.Nr:121; Ndryshimin dhe plotësimin e aktit të emërimit të ankueses K. Pasqyrën llogaris bankare për periudhën kohore 01.12.2018 deri 31.12.2018 për ankuesen Vërtetimin e datës 13.03.2021 me numër 02/1.nr:124; Vërtetimin e datës 13.03.2021 me numër 02/1.nr.125; Ndryshimin dhe plotësimin e aktit të emërimit të datës 18.03.2019 me numër 02/nr.124 i ankueses Kërkesa për përgjigje në ankese e datës 17.05.2021 me numër të protokollit 2408/2021; Përgjigja në ankese e datës 01.06.2021 me numër të protokollit 2774/2021; Shkresë e datës 24.05.2021 me numër 02/1-196 lidhur me përmasimin e gabimit të aktit administrativ; Kërkesën e datës 24.05.2021; Përgjigjen në kërkesë të datës 12.03.2021 me numër 02/1-192;

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës të dërguara nga ankuesit dhe organi i punësimit, ka konstatuar se ankesa e ankuesve, **është e pa bazuar, sepse:**

Bazuar në shkresat e lëndës, është konstatuar se të gjithë ankuesit janë të punësuar në Komunën e Shtimes. Të njëjtit, me datë 06.04.2021, përmes përfaqësuesit të autorizuar, i janë drejtuar me shkrim Komisionit për Zgjidhjen e Kontesteve dhe Ankesave në Komunën e Shtimes, për kompensimin e pagave jubilarë dhe shujtës ditore për ditët e pranisë në punë. Komisioni Komunal për Shqyrtimin e Ankesave për Nëpunësit Publike në Komunën e Shtimes, lidhur me kërkesën e ankuesve, përmes përgjigjes me shkrim ka njoftuar përfaqësuesin e autorizuar të ankuesve se sipas dispozitave të Ligjit Nr.06/L-114 për Zyrtarët Publikë, nëpunësit civil paraqesin ankesë drejtpërdrejtë në KPMSHCK për çdo veprim apo mosveprim që i cenon të drejtat apo interesat e ligjshme të drejta këto që burojnë nga marrëdhënia e Shërbimit Civil.

Pas këtij njoftimi, ankuesit, përmes përfaqësuesit të autorizuar, me datë 11.05.2021 kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor për njohjen e të drejtës për kompensimin e pagave jubilarë dhe shujtave ditore, për vitin 2015, 2016, 2017 dhe 2018, sipas Kontratës së Përgjithshme Kolektive të Kosovës.



Kolegji për Shqyrtimin dhe Vendosjen e Ankesave, ka shqyrtuar bazën ligjore mbi të cilën janë ngritur pretendimet ankimore të ankuesve dhe si rrjedhojë ka konstatuar se Marrëveshja e Përgjithshme Kolektive e Kosovës (MPKK) e publikuar në Gazetën Zyrtare Nr.38/2014 të datës 18.06.2014, ka hyrë në fuqi me datë 01.01.2015 dhe e njëjta sipas nenit 90 paragrafi 4 të Ligjit Nr.03/L-212 të Punës, ka qenë e zbatueshme në periudhë jo me shumë se tri (3) vjet, respektivisht deri me datë 31.12.2017. Kolegji po ashtu ka konstatuar se Oda Ekonomike e Kosovës si Partner i barabartë në Këshillin Ekonomiko Social, dhe njëherit nënshkruese e MPKK-së, me datë 15.09.2017 është tërhequr nga zbatimi i MPKK-së, dhe rrjedhimisht ka pamundësuar zbatimin e Marrëveshjes së Përgjithshme Kolektive, pas datës 31.12.2017.

Bazuar në këtë konstatim, dhe në kuptim të nenin 87 të Ligjit Nr.03/L-212 të Punës, Kolegji konstaton se kërkesa e ankuesve për realizimin e kompensimit të pagave jubilarë dhe shujtave ditore për vitin 2015, 2016, dhe 2017 është parashkruar, kështu që pretendimi ankimor i ankuesve mbi këtë bazë ligjore është i pa bazuar.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe neni 132 paragrafi 2 të Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.407/2021

Ilire Mehmeti

Procesmbajtëse



Vendimi i dorëzohet:

- Përfaqësuesit të autorizuar të ankuesve Avokat
- Kryetarit të Komunës së Shtimes;
- Udhëheqësit të Njesisë së Burimeve Njerëzore në Komunën e Shtimes; dhe
- Arkivit të KPMSHCK-së.

